

29 APR 1996

AGONG MENGHANTAR PERUTUSAN TAHNIAH KEPADA RATU BEATRIX

KUALA LUMPUR, 30 April (Bernama) -- Yang di-Pertuan Agong Tuanku Ja'afar menghantar perutusan tahniah kepada Ratu Beatrix di Belanda sempena hari keputeraan baginda.

" Kami berharap persahabatan antara kedua-dua negara dan rakyat akan terus diperkukuhkan pada tahun-tahun akan datang," kata beliau dalam perutusan tahniahnya yang dikeluarkan oleh Wisma Putra di sini.

Perdana Menteri Datuk Seri Dr Mahathir Mohamed dalam perutusan lebih kurang sama kepada rakan sejawatannya Encik Wim Kok berharap kedua-dua pihak boleh meningkatkan kerjasama ekonomi yang saling menguntungkan.

Sementara itu, Menteri Luar Datuk Abdullah Ahmad Badawi dalam perutusan kepada rakan sejawatannya Encik H.A.F.M.O. Van Mierlo juga berkata, adalah diharapkan persahabatan antara kedua-dua negara dapat dipertingkatkan lagi di tahun-tahun akan datang. -- BERNAMA

HAK PR